

FST monopoli Kejohanan Olahraga Inter Fakulti USIM



Prof Musti (tengah) bergambar bersama-sama atlet FST

Nilai: Fakulti Sains dan Teknologi (FST), Universiti Sains Islam Malaysia (USIM) membolot 16 pingat emas, 10 perak dan 14 gangsa sekali gus muncul juara Kejohanan Olahraga Inter Fakulti universiti itu, baru-baru ini.

Lebih membanggakan, FST turut memonopoli gelaran Anugerah Olahraga dan Olahragawati yang dimenangi atlet, Mustafe Rashid Ali dan juga Nur Aina Wahid.

Dekan FST, Prof Dr Norita Md Norwawi, berkata beliau berbangga dengan pencapaian atlet fakultinya sekali gus membuktikan kemampuan

mereka mencapai kecemerlangan seimbang dalam akademik mahupun sukan.

Katanya, kejayaan hasil semangat dan sokongan semua pihak khususnya atlet untuk mencapai sasaran yang ditetapkan.

Bagi Exco Sukan Sekretariat FST, Hisham Rashid Aminurrashid, menyifatkan kerjasama atlet dan semua warga fakulti yang berusaha untuk meningkatkan prestasi dalam bidang sukan.

Kuasa sukan

"Kita dapat melihat perkembangan sukan FST sejak tiga tahun kebelakangan ini apabila terus unggul sebagai

kuasa sukan baharu pada peringkat universiti ini khususnya dalam beberapa acara sukan yang dipertandingkan.

"Saya berharap kecemerlangan ini dapat diteruskan pada masa akan datang walaupun kita menghadapi saingan sengit daripada fakulti lain dalam beberapa acara,"katanya.

Majlis penutup kejohanan itu disempurnakan oleh Naib Canselor USIM, Prof Datuk Dr Musa Ahmad.

Yang turut hadir ialah, Timbalan Naib Canselor Hal Ehwal Pelajar dan Alumni, Prof Datuk Dr Hassan Basri Awang Mat Dahan.